

æek  
22. korrika

3. ALBISTEA

2022/01/19



A2  
MAILA

**Amurriotik Donostiara,  
ibilbide osoa aurkeztu dute.**

**HITZETIKIN**

Amurriotik Donostiara  
2022ko martxoaren 31tik apirilaren 10era

## Amurriotik Donostiara, ibilbide osoa aurkeztu dute.



Amurrion hasiko da 22. KORRIKA, Araban, Aiaraldea eskualdean. Gasteiztik 40 bat<sup>1</sup> kilometrora dago, eta Bilbotik 30 bat km-ra.

Martxoaren 31n hasiko da, eta, hamaika egunez, etenik gabe, gau eta egun, Euskal Herri osoa zeharkatuko<sup>2</sup> du KORRIKAK: Nerbioi ibaiaren haranetik<sup>3</sup>, Durango aldera joango da; eta, Anbotoko Damari<sup>4</sup> agur esanda, Gasteiza abiatuko da. Itzulinguruka<sup>5</sup> arituko da KORRIKA. Bidean, Euskal Herriko leku asko zeharkatuko ditu: lurralde berdeak eta basamortuak<sup>6</sup>; mendate<sup>7</sup> aldapatsuak eta lautada<sup>8</sup> ederrak; Errioxako mahastiak eta Ezpeletako piper-landareak; herrtxiki xarmagarriak<sup>9</sup> eta metropolia, "Bilbo Handia". Berdin zeharkatuko ditu barnealdeko leize<sup>10</sup> ikusgarriak eta kostaldeko itsaslabarrak<sup>11</sup>. Eta, horrelaxe, ttipi-ttapa, ttipi-ttapa, helmugaraino; Donostiaraino, Txillardegiren sorlekuraino<sup>12</sup>. Apirilaren 10ean, milaka euskaltzalek<sup>13</sup> Donostiako kaleak hartuko ditugu, hitzez ekiteko prest!

### KORRIKAREN APPA

KORRIKARI egunez egun jarraitu ahal izango diozue aplikazioarekin. Hauxe topatuko duzue: ibilbide osoaren mapa, lasterketa non dagoen, zuen herrira noiz helduko den... KORRIKARI buruzko azken orduko jakinarazpenak<sup>14</sup> ere jaso ahal izango dituzue.

### PETOAK SALGAI

KORRIKA dotore egiteko, salgai daude petoak: hiriburuetakoko dendetan, *online* eta euskaltegietan.

#### Hiztegitxoa:

1. bat: más o menos; *environ*
2. zeharkatu: atravesar; *traverser*
3. haran: valle: *vallée*
4. Anbotoko Dama: personaje mitológico que vive en el monte Anboto, encima de Durango; es uno de los nombres de la diosa Mari. *Personnage mythologique qui vit sur le mont Anboto, au-dessus de Durango; c'est l'un des noms de la déesse Mari.*
5. itzulinguruka: dando vueltas; *elle fera des détours*
6. basamortu: desierto; *désert*
7. Mendate: puerto de montaña; *port de montagne*
8. lautada: llanada; *plaine*
9. xarmagarri; encantador/a; *charmant*
10. leize: cueva; *gouffre*
11. itsaslabarrak: acantilados; *falaises*
12. sorleku: lugar de nacimiento; *lieu de naissance*
13. euskaltzale: personas a favor del euskara; *bascophile, défenseur de l'euskara*
14. jakinarazpen: notificación; *notification*

## NONDIK NORA JOANGO DA? ZEIN ORDUTAN PASATUKO DA?

### Martxoak 31

Amurrio 16:30  
Balmaseda 19:23  
Ugao 23:51

### Apirilak 1

Durango 05:11  
Legutio 14:59  
Gasteiz 17:07

### Apirilak 2

Agurain 00:05  
Iruñea 09:18  
Tafalla 20:57

### Apirilak 3

Cárcar 01:39  
Tutera 11:43  
Zangoza 22:59

### Apirilak 4

Irunberri 00:37  
Donibane Garazi 14:58  
Maule-Lexarre 21:26

### Apirilak 5

Baigorri 03:50  
Lekunberri 13:32  
Lizarrar 20:53

### Apirilak 6

Kanpezu 00:37  
Igorre 15:12  
Bilbo 19:37

### Apirilak 7

Barakaldo 00:00  
Bermeo 13:33  
Ondarroa 22:39

### Apirilak 8

Zumaia 03:08  
Andoain 08:48  
Beasain 19:39

### Apirilak 9

Doneztebe 03:42  
Kanbo 12:52  
Baiona 17:29

### Apirilak 10

Irun 00:54  
Hernani 06:49  
Donostia 07:36

## 1. Osatu hitzak, eta esan esaldiak egia ala gezurra diren:



### E G

- 1. KORRIKA Amurrio\_\_\_ Durango\_\_\_ joango da.
- 2. KORRIKAn, Korrikalari\_\_\_ ez dute mendaterik igoko.
- 3. KORRIKA\_\_\_ kostaldea zeharkatuko du.
- 4. Balmaseda\_\_\_ pozik egongo dira, zeinen ordutegi ona dute\_\_\_!
- 5. Baionako\_\_\_ Bilboko\_\_\_ baino lehen egingo dute KORRIKA.
- 6. Baigorriko\_\_\_ oso goiz jaiki beharko dute KORRIKA egiteko.
- 7. Ondarroako\_\_\_ komeni zaie goiz afal\_\_\_.
- 8. Beasain\_\_\_ Zumaia\_\_\_ baino lehen pasatuko da KORRIKA.
- 9. KORRIKA apirila\_\_\_ 8\_\_\_ iritsiko da Donostiara.

## 2. Kokatu leku hauek mapan:



1. Abadia jauregia (Hendaia)



2. Xabierko gaztelua  
(Zangozako merindadea)



3. Gaztelu Zaharra (Maule-Lexarre)



4. Gaztelugatxe  
(Bakiotik Bermeorako bidean)



5. Ulibarri-Ganboako urtegia  
(Legutio ondoan)




6. Itzurun hondartza (Zumaia)




7. Erregeren Bardea  
(Tuteratik Cadreitarako bidean)



8. Arnagako lorategiak (Kanbo)



9. Sorginetxe trikuharria (Agurain)



## PROZEDURA:

- ▶ Albistearen berri emango dugu, eta, horrela, 1. jarduera aurkeztuko dugu.
- ▶ Ikasleek albistea irakurri eta ulermen-ariketa egingo dute (2.- 3. or.).
- ▶ Talde handian zuzenduko dugu, eta albistea komentatuko dugu (aplikazioa<sup>1</sup> gure telefonoetan deskargatu, eta ikasleekin ikus dezakegu, eta, ikusi ahala, egoki deritzegun azalpenak eman).

## ERANTZUN ZUZENAK:

1. KORRIKA Amurriotik Durangora joango da. EGIA
2. KORRIKAn, Korrikalari**ek** ez dute mendaterik igoko. GEZURRA
3. KORRIK**Ak** kostaldea zeharkatuko du. EGIA
4. Balmaseda**koak** pozik egongo dira, zeinen ordutegi ona duten! EGIA
5. Baionako**ek** Bilboko**ek** baino lehen egingo dute KORRIKA. GEZURRA
6. Baigorriko**ek** oso goiz jaiki beharko dute KORRIKA egiteko. EGIA
7. Ondarroako**ei** komeni zaie goiz afalt**zea**. EGIA
8. Beasain**dik** Zumaia**tik** baino lehen pasatuko da KORRIKA. GEZURRA
9. KORRIKA apirilaren **8an** iritsiko da Donostiara. GEZURRA

- ▶ Euskal Herriaz zer dakiten galdetuko dugu: zenbat herrialde ditu? Zein dira hiriburuak?
- ▶ Euskal Herriko herrialde eta hiriburuak zein diren azalduko dugu, pantaila handian egoki deritzogun mapa<sup>2</sup> jarrita (ikasleei 4. orrialdea banatuko diegu).
- ▶ Euskal Herriko zein leku ezagutzen duten galdetuko diegu: gustatu zaien, noiz eta norekin egon diren bertan...
- ▶ 2. jarduera azalduko dugu (3.- 4. or.): binaka, irudietako lekuak mapan kokatu beharko dituzte.
- ▶ Talde handian zuzenduko dugu. Horretarako, pantaila handian egoki deritzogun mapa<sup>2</sup> jarriko dugu ikusgai (nahi izanez gero, euskarazko Wikipediak dakarrena ere pantaila handian paratu, eta gure hitzetan azal diezaiekegu leku horiei buruz zer jartzen duen. Ikus dezatela euskarazko Wikipedia ere badagoela...).

## ERANTZUN ZUZENAK:

1-i; 2-d; 3-e; 4-f; 5-a; 6-g; 7-c; 8-h; 9-b

- ▶ Amaitzeko, KORRIKAn ibilbideari erreparatu eta gaiari buruz arituko gara ikasleak parte hartzera animatuz (ikus ibilbidea<sup>3</sup> pantaila handian): noiz pasatuko da KORRIKA gure herritik edo gure herritik hurbil? Nondik iritsiko da? Zein ordutan? Norantz joango da? Nora joango gara KORRIKA egitera? Norekin? Euskaltegiko lagunekin animatuko ote liratekeen galdetu...

## EDUKIAK:

Errepasa edo aurkez ditzakezue: nondik nora? Noraino? Norantz? Noiz? Zein egunetan? Zein ordutan? Norekin?

- Hemen dituzue Euskaltzaindiaren taulak eta azalpenak: <https://labur.eus/Lxqie>
- Eta hemen ikasleentzako azalpenak (gaztelaniaz): <https://labur.eus/ore6Y>
- ZEIN ORDUTAN? Ikasteko, ikus *ERANSKINA: Zein ordutan AEK.pdf*

<sup>1</sup> Aplikazioa deskargatzeko:

iPhone: <https://apps.apple.com/es/app/korrika/id594215660>

Android: <https://play.google.com/store/apps/details?id=eu.aking.korrika>

<sup>2</sup> Ikusi *EH eta ibilbidearen IRUDIAK.zip* karpeta.

<sup>3</sup> Ibilbidea: <https://korrika.eus/eu/ibilbidea>